

岱

史

岱史舊序

岱史者何志岱宗也志何以
為史岱者萬物始生五嶽之
長古帝王之所受命告成而
東諸侯主焉志之而曰史以
尊岱也岱故無志乎有而繫

諸州且不備也侍御嶺南譚
公巡行考覽謀諸鹽政大夫
查公以為州不得有乎岱故
別而為史也為史柰何革舊
而為新因畧以致詳旁搜遐
考以備人文而標名勝作者

之志也夫圖經者觀察之符
契也恢而弁之以為網紀故
作圖考天之精曰星地之精
曰山嶽其大者也降婁玄枵
之次歲星位焉其應廣矣作
星野考岱者中條之所底也

河濟不得無以障青兗不得
無以填畿輔不得無以屏故
曰齊得十二馬作形勝考記
曰岱宗周迴三千里東方之
山皆其裔也然而綿亘二州
不可勝識惟是七十二峯岩

壑泉石神怪儵詭化工備矣
作山水表在古錫魯其後隸
齊更姓易制畫野分疆纏紛
綺錯名實相叅而岱猶故岱
也作疆域表省方之后廼修
玉帛暨乎明堂王政攸布安

所云七十二家之封而以奉
秦皇漢武為乎其失至我

明然後一洒之此亦古今得失
之林也作狩典紀然自

聖祖開基釐正徽號

國有大慶使使奉璧告焉亦柴

望之遺矣作望典紀介丘之
勝久矣城邑壇墠或爲墟莽
探竒懷古之士有所感慨而
踟躕焉作遺蹟紀夫山之守
爲神三宮空洞之天百靈之
府也神房阿閣可謂侈麗矣

作靈宇紀遊屐之所登臨星
輶之所陟降有廬舍焉作室
室志夫岱君子於是觀土德
也芝草玉石冥棲之侶耽焉
作物產志夫自燕秦河洛之
間奔走奉祠絡繹殷賑其麗

不億洋洋乎神之爲德也有
司稽其名數以備不常又以
當他賦焉作香稅志夫岱者
一州之鎮也然而吉凶之應
於國有關焉作災祥志操觚
之倫原本山川極命草木於

遊得之颯颯乎可以觀也作
登覽志總之十有七卷旁該
寥廓苞舉珍瑰纘紛浩侈洞
心溢目閔哉博矣故曰革舊
而爲新因畧以致詳旁搜選
考以備人文而標名勝作者

之志也於戲天下之以山名
者衆矣至於巉削刻畫之趣
嶽峯窈窕之觀或具體於穹
崇若鍾技於妙巧亦皆標竒
史諫侈美聲詩矣况夫秩視
王公功侔造化風雲之所吐

納萬品之所奇成者我何其
宜有史而久未有也岱得侍
御公與大夫而後尊於史岱
尊於史而公與大夫之名得
以不朽於岱此亦金簡玉策
之藏而縣寓之鉅觀矣不亦

盛哉大夫博雅有文故爲武
林世家以丙戌季夏月受畫
於侍御公纂述鉤校不數月
而告成事斯已勤矣行不佞
家於岱畎蓋嘗有意斯舉而
力不能及今也嘉侍御公與

大夫之志而幸擬之有以尊
也爲叙諸簡端如此

時

萬曆丁亥正月上浣之吉

賜進士出身嘉議大夫禮部右
侍郎兼翰林院侍讀學士

經筵日講官充

會典副總裁直

起居注石閣主人東阿于慎行

撰文

岱史舊序

環區中而山者萬不啻也岳
爲最環區中而岳者五不啻
也岱爲最故曰岱宗蓋自黃
虞氏而下靡異號云以故自
昔受命而興者靡不有事於

岱然而秦漢之事君子諱之
惟我明一切屏絕封禪矯誣
之說寘弗道而諸所行望祀
之禮珪幣登祝之數名爵之
稱又皆一洗近代訛謬而還
古初是自古有事於岱者七

十二君不啻也我明爲最乃
岱於前世率不過吐竒孕異
致靈恠以聞世符惟我明建
樞北極而茲山屹立國門之
東汶濟之水會焉下國筐篚
舳艫相銜際天地而來者以

萬數而茲山諸泉實委輸之
儼若岳伯元僚總率九牧之
賦以歸天府是岱之祚國佑
民即億萬年不啻也亦我明
爲最夫岱旣已最五岳而雄
區中而我明所以有事於岱

與其所以有功我明者又爲
百代之最如此則其他瑰奇
特絕之觀與夫登臨嘯咏之
蹟見於仙經地志殘碑斷碣
之所記載者在他名山徃徃
籍之爲重而要皆篋焉無當

於岱惟是岱之所以最他名
山與我明所以最百代者蓋
在彼而不在此此載筆者之
所宜詳也予往奉壘書按蹇
政於濟上間以職事一登茲
山四顧徘徊求古皇王靈聖

之遺趾而世代綿邈莫可尋
詰則慨焉有感於前誌之浸
廢乃屬同轉運使查君輯而
新之查君則裁取舊編斷以
己意擬例三史取材百家凡
為考若表若紀若志得若干

卷其於所稱瓌竒特絕之觀
登臨嘯咏之蹟見於仙經地
志殘碑廢碣之所記載者固
已掇拾其槩靡所漏捐而自
黃虞以下所以有事茲山與
夫我明之典禮名數所以陋

秦漢而還古初者特加輯錄
而例別之以自附於大書特
書之義於是遂更其名曰岱
史厥義躋矣茲史甫就刻而
皇上方以軫災祈年之故特下
德音分遣大臣祠禱五岳以

徵福元元展禮告虔惟岱爲
首宜有禎祥符應以荅

上旨俾後世徵竒考異之士見
謂聖神之代百靈受職惟我
皇最焉則豈惟茲史之光將
是山寔籍重焉敬爲書其首

簡以竢若其他義例查君自
有述予可畧也

萬曆丁亥歲元旦之吉嶺南
東官譚耀書

岱史總目

質字號第一冊

卷之一 圖考

卷之二 星野考

卷之三 形勝考 附里至

卷之四 山水表

卷之五 疆域表

諸字號第二冊

卷之六 狩典紀 附封禪

卷之七

望典紀 附歷代諸臣傳祝文

鬼字號第三冊

卷之八

遺蹟紀

卷之九

靈宇紀 神佛寺觀

神字號第四冊

卷之十

靈宇紀 聖賢廟祠

卷之十一

宮室志

卷之十二

物產志

卷之十三

香稅志

卷之十四 災神志

而字號第五冊

卷之十五 登覽志 歷代詩章

卷之十六 登覽志 國初至嘉靖甲寅以前詩章

無字號第六冊

卷之十七 登覽志 國朝嘉靖甲寅以後詩章

疑字號第七冊

卷之十八 登覽志 歷代賦 記 雜著

右岱史為義凡十有四別而為卷凡十有八中間

豐省不齊緝而為冊凡七取中庸質諸鬼神而無
疑句以命冊焉

岱史公移

為照

泰山維五嶽之長屹天柱而奠地維

圖籍永萬世之傳翊

王章而垂文獻故岱宗首望於帝典魯唐推重於範
經交鎮表見於職方東嶽著名於爾雅諸皆典墳
籍籍罔不誦術巖巖凡以昭寰寓之巨靈豈惟修

遊觀之勝覽矧於

昭代密邇

皇都潤流百道之濟汶輓輸漕運統領三齊之岡阜
屏障畿封維茲化功孰作大造然不有專錄何以
摠攬神奇而不賴當途孰為咨諏圖籍惟

本院觀風東夏覽勝介丘於焉據籍而按圖特爾
命官而屬筆蓋舊志取裁於

前院已經三紀有餘而殘編竚待於後來殆非
日之故顧維庸陋如職曷効付托於茲雖蚤歲其

來稍知橫卷迨半生立整豈望問奇偶弋百氏以
娛閒敢擅三長如

明諭幸屬

清時吏隱徒然惕日宦遊覩而素餐念升斗皆

君財藉茲青簡倘消埃可自將是用竭目殫神既憊
觀於子史頻仍陟巔涉阻又遍歷其崇深對景揮
毫風殄霧沐據梧屈首宵燭晨窓時逢萬曆熙辰
歲在丙戌泰運始事於仲夏訖功乎孟冬猥効冊
鉛粗成卷秩稱名則曰岱史義例則本前

者三為表者二為紀者四為志者五卷凡一十有
八字凡廿萬有奇敢云副在名山妄希不朽之感
事或者比諸覆瓿可償散局之微勞庶幽不負山
靈而明不負付托魯籍斯語告成嶽祠第編摩三
四月之間迺上下千百年之事寒暑固未嘗間隔
風塵猶未免驅馳坐是作輟靡常且於精神有限
雖効勤惓寧免踈虞其間魯魚亥豕之屢訛自矢
終其難校猶螭雕龍吐鳳之鴻匠早當為之折衷

岱中凡例

一岱史云者岱宗之稱經見於虞典實肇自黃史故從其古名曰岱茲所撰錄稍襲史家義例故曰史蓋前哲曾日以路中名實記籍者

一泰山舊圖甚略未射其點形勝命工圖之廣衍四倍於舊圖而無圖並行焉蓋舊圖括其既圖入布其也其圖新創者居多

一為考古一曰圖考曰星野考曰藝考曰考

校也謂參校於史也諸書所略茲
做通考義例創著焉

一為表者二曰山水表曰疆域表夫表者標也謂
標而明之也山水之勝境延袤疆域之沿革屢
變不為之標揭其易以顯示故做史家年表義
例創著焉

一為紀者四曰狩典紀曰望典紀曰遺蹟紀曰靈
宇紀夫紀者記也史家有帝紀蓋所謂大書特
書也茲所紀皆神聖之精靈帝王之制作而歷

代御制御祝尤炳炳焉故別於凡志云

一為志者五曰宮室志曰物產志曰香稅志曰災祥志曰登覽志夫志者識也識臆其煩曠勿俾遺忘也茲所志皆人文物理之散殊雖取材於舊志而時移事改故正其訛補其未備者居多若香稅則舊志不及特草創於今茲

一每卷冠以小序蓋撮其大旨發明著作之意也而見聞所及於當時利病偶有一得稍贅數語正不自知其足採不

一余本固陋寡聞且奔走泥塗中無暇日稍暇即
從縉紳家假古今名編搜討焉顧名編不多得
也山水形勝古初遺蹟雖躬自歷涉然寧能遍
觀至於

國朝諸名公及文人騷士題咏諸篇什或仍舊志或
採碑匾或採諸家集然於見聞所不及者寧免
遺失非敢有所刪削也廣收博採尚有俟焉
西浙海昌查志隆鳴治甫識於歷下吏隱齋

代山史第一冊質字號目錄

賜進士督理山東鹽課監察御史嶺南譚 擢 定

賜進士山東都轉運鹽使司運使豫章井一驥 閱

賜進士山東都轉運鹽使司同知西浙查志隆 輯

賜進士山東右布政前翰林院學士河北張縉彥 刪補

鄉進士山東都轉運司以道臣行事登封傅應星 重刻

卷之一 圖考

星野圖

泰山舊圖

泰山新圖

東嶽廟圖

碧霞宮圖

五嶽真形圖

周明堂圖

孔殿圖

卷之二 星野考

史記天文書

正義

前漢天文書

前漢地理志

魏太史

晉天文志

唐天文志

宋天文志

宋中興志

天原發微

通志

汪子卿論

卷之三 形勝考

附里至

舜典

禹貢

魯頌

周禮職方

爾雅

公羊傳

漢官儀

後漢書

道藏

郭璞書

山海經

法苑珠林

曾鞏二堂記

蘇東坡序

魏莊渠書

岱宗記

通志

茅君傳

博聞錄

五嶽記

福地記

列仙傳

尸子

博物志

道經

堪輿家

勝覽

里至記

卷之四山水表

山

峰

石

岱史第一冊目錄

實錄

洞

峪

嶺嶂

崖

巖

臺

門

寨

園

泉

池

河

溪澗

灣

井

勒石

橋

坊

卷之五疆域表

總部

郡

州縣

鄉進士山東運司經歷荆門戴相堯

校梓


岱史第一卷圖考

叙曰曷云乎圖考也考泰山之形勝而繪之也
夫鴻濛始判為物者萬而惟流峙最大為峙者萬而
惟嶽最大為嶽者五均之巍巍峻極而惟岱最大近
則橫亘齊魯跨引江淮遠則雄峙九紘霖雨四海豈
非華夷之巨觀古今之崇鎮乎顧欲以方寸赫蹠
摹全勝抑何難也然自古考方辨域必取諸圖不然
則周覽不能窮其勝載籍不能紀其詳即有高雅之
士興起卧游之想曷從而觀焉是用據古證今圖諸

簡端圖泰山握坤軸也而先之以星野繫乾象也圖
嶽廟以神所棲也圖碧霞宮以世所崇奉也圖周明
堂以帝王致治之蹟也而附之以五嶽真形則以泰
山五嶽之宗宜統會其勝也維嶽降神實生孔子萬
世宗之如泰山喬嶽圖其廟而崇祀之以表聖蹟重
山靈也夫天開圖畫地湧丹青豈人力哉維茲繪事
肖厥化工裨世之觀覽者一披卷而對越介丘恍乎
明神陟降勿勿乎欲其享之則又非特豁目惠心供
卧游之適云爾


角宿圖









泰山新圖













見聞寺

日天峯

山門


寶十四


寺







東岳廟圖









五岳真形圖



東岳



西岳



南岳




北岳




中岳

右圖石刻岱祠圖說引道經云五岳之神分掌世界人物各有攸屬岱太山乃天帝之孫群靈之府主世界人民官職生死貴賤等事又引抱朴子云凡修道之士棲隱山谷須得五岳真形圖佩之則鬼魅垂虎一切妖毒皆莫能近又云太初中李充稱馮翊人三百歲常負此圖人或佩之渡江海入山谷或夜行宿凶房邪魔魑魅魍魎悉皆隱遁屢供居地必獲禎祥又嘗見萬花谷記西王母與上元夫人降漢武帝帝視其中器中有小書乞瞻覽母曰此五岳真形圖也乃三天太上所出豈汝所宜佩乎帝乞不已與之藏栢梁臺余按諸說雖不可知然此圖類古符篆必有所自而五岳之神亦不可誣也存之以資博識云





孔子廟圖





稽史第二卷星野考

叙曰曷考乎星野也考泰山之分野而繫之於分星也謂其上應天象也夫陰陽之精其本在地而上發於天在天二十八舍在地十二州各有所主即一丘一阜懸象列宿矧夫崧有維嶽峻極於天而泰山尤群嶽之宗其昭回法象豈不鉅麗自保章氏失職久遠郡國廢置代遷千百年來譚星野者或以泰山主心房氏或主婁胃或主壬危其言纚纚洋洋靡所適從然載籍雖博猶考信於往古古天文角亢之分野

主兗而禹貢徐兗之域泰山固隸兗也主角何疑焉
昔哉僧一行其言之也曰天下山河之象存乎兩戒
觀兩河之象與雲漢之終始則分野可知而通志云
山東當山河之會得升降之中泰山介乎其間此千
載通論也茲備籍諸史以俟閱覽博物之君子折衷
焉

史記天文書曰角亢氐兗州房心豫州虛危青州

燕齊之疆候在辰星占於虛危宋鄭之疆候在歲

星占於房心

正義曰東方角亢氐房心尾箕角亢鄭之分野兗州
氐房心宋之分野豫州箕尾燕之分野幽州北
方斗牛女虛危室壁斗女吳越之分野揚州女虛
齊之分野青州危室壁衛之分野并州

前漢天文書曰角亢氐沆州房心豫州尾箕幽州虛
危青州 丙丁江淮海岱一曰甲齊 申齊酉魯

前漢地理志曰齊地虛危之分壑也東有淄川東萊
琅邪高密膠東南有泰山城陽北有千乘清河以
南勃海之高城重合陽信西有濟南平原皆齊分

也

魏太史令陳卓曰泰山角六度

晉天文志曰泰山入角十二度

唐天文志曰降婁玄枵其神主於岱宗歲星位焉

女虛危在子齊分野女虛危玄枵也循岱嶽衆山

之陰其地得陬訾之下流其象著為天津絕雲漢

之陽凡司人之星與群臣之錄皆主虛危 奎婁

在戌魯分野奎婁降婁也循岱嶽衆山之陽在陬

訾下流婁胃之墟

宋天文志曰東方蒼龍七宿角亢氐房心尾箕其神
為青帝司春司木司泰山

宋中興天文志王奕曰泰山入角十二度 馬端臨
象緯州郡疆次並同

天原發微曰天下山分為四條上應二十八宿負海
貨殖所阜之國 自北河下流南距岱山為三齊
自南河下流北距岱山為鄒魯此負海之國也

通志曰山東自南正達於西正得雲漢升氣自北正
達於東正得雲漢降氣則山東其當山河之會而

得升降之中乎

汪子卿曰按山東通志引晉書言循岱嶽衆山之陰主虛危循岱嶽衆山之陽主婁胃引唐書言濟陰齊魯主心房氏蓋

當時清類分野據二說以定星野之次而通志因之夫以心房氏言岱猶為近之乃若虛危北宿也婁胃西宿也而可以東方言耶又按古天文圖書降婁魯分也玄枵則吳越揚州之次也歲星十二歲周天非有定位而唐志云云圖復云云要亦折

謂其神主信而非躔次之謂邪夫王者齊政本於
璿璣不可不知而亦不易知也故今志以王奕馬
端臨為正而餘則傳疑以俟夫明於占步者

岱史第三卷形勝考

叙曰曷考手形勝也考古今之誦說乎泰山者也夫自有天地以來形勝無如泰山故自有書契以來誦說形勝者亦無如泰山乃其始經見則虞典岱宗兩言耳夫虞典凡嶽皆以方位言惟泰山不言方位而言岱不言嶽而言宗固謂夫出震配乾萬物始代儲坤蟠亘五嶽推宗其形勝甲於普天之下無兩也嗣是而詩稱魯詹禮稱兗鎮爾雅稱東嶽則槩其一方所推重而極言耳他若子史百家佛經道錄奕奕相

屬炫句玄詞所謂天孫神房洞天福地與夫金床玉几之說最不可窮詰然古人於搜神紀異釋官野史亦所不廢也世即有善言形勝者或未能越此故舉凡見聞所及併編錄之以備參考迺其寒暑之候迥異於下方里至之遙艱難於躋陟俱世所欲聞者宜不厭於鎖贅云

舜典曰岱宗 按五經通義云岱宗言王者易姓受命報功告成必於岱宗也東方萬物始交代之處宗長也言為群嶽之長

禹貢曰海岱維青州 又曰海岱及淮惟徐州 按
書註云青州之域東北至海西南距岱又云岱之
陽濟東為徐岱之北濟東為青

魯頌曰泰山巖巖魯邦所詹 按說苑云山者宣也
言宣氣生萬物也泰言高大之至也爾雅云右陵
泰丘或云泰者太也謂天地太和之氣發舒於京
方也

周禮職方曰河東曰兗州其鎮曰岱山 按鎮言其
重也

爾雅曰河東岱 又曰泰山為東嶽 又曰中有岱

嶽與其五谷魚鹽生焉 按詩註云嶽言山之尊

也東方主天地生氣以方位別五嶽是為天之東
柱

公羊傳曰觸石而出膚寸而合不崇朝而雨天下者
惟泰山耳

漢官儀曰盤道屈曲而上凡五十餘盤經小天門大
天門仰視天門如從穴中視天窻矣自下至古封
禪處凡四十里山頂西巖為仙人石閭東巖為介

丘東南巖名曰觀日觀者雞一鳴時見日始欲出
長三丈所又東南名秦觀秦觀者望見長安吳觀
者望見會稽周觀者望見齊黃河去泰山二百餘
里於祠所瞻黃河如帶若在山陟山南有廟悉種
栢千株大者十五六圍相傳云漢武所種小天門
有秦時五大夫松見在

後漢書曰光武封泰山雲氣成宮闕

道藏書曰泰山周迴一百六十里崎五十步方面各
四十里

郭璞書曰泰山在奉高縣西北從山下至頂四十八里三百步

山海經曰泰山環水出焉東流注於海

法苑珠林曰泰山之東有醴泉焉其形如井本體皆石欲取飲者皆洗心跪而挹之則泉出如流若或汚慢則泉縮焉蓋有神明以宰之也

魯輦二堂記曰泰山之北水與齊之東南諸水西北匯於黑水之灣又西北匯於栢崖

蘇東坡送楊傑詩序曰無為子嘗奉使登泰山絕頂

雞一鳴見日出

魏莊渠書曰泰山之上有日觀峰者夜半可以望日見浴日彌望如鋪金者海也綠色微茫中有若掣電者海島溪山相間也金色漸淡日輪浮動水中如大玉盤適海濱望而見海日是矣登天台之巔曰華頂者乃知此特小海耳諸山環列外乃為大海泰山有日觀者觀日於未出也有月觀者觀月於已沒也長安觀者西望秦間諸山也越觀也者南望會稽諸山也衡山有七十二峰亦有日觀月

觀不及泰山者當邪位也

成宗記曰梁父長白二山為泰山輔嶽

通志曰濟南諸山其北麓也兗州諸山其南麓也青
齊海上諸山其左翼也河東諸山其右翼也斯其
為泰山矣乎迺若山南則有漢武遺栢天門則有
五大夫松絕頂則有秦無字碑懸崖則有唐開元
銘斯則泰山古蹟之最優者

茅君傳曰仙家凡三十六洞天泰山周圍三十餘里
名三宮空洞之天

博聞錄曰泰山名蓬玄太空洞天嶽帝所居其高四
千丈環一千里

五嶽記曰東嶽泰山嶽神天齊王領仙官仙女九萬
人山周迴二千里在兗州奉符縣

福地記曰泰山洞天周迴三千里鬼神之府

列仙傳曰岱宗石室中上下懸絕其中金床玉几
尸子曰泰山之中有神房阿閣

博物志曰泰山一曰天孫言為天帝之孫也主召人
魂魄東方萬物始成知人生命之長短

道經曰五嶽之神分掌世界人物各有攸屬岱泰山
乃天帝之孫群靈之府主世界人民官職生死貴
賤等事

堪輿家曰泰山之麓水交流孔林獨茂蓋指泮漆梳
洗汶漸而言吾夫子之生也豈偶然哉是故其終
也曳杖之歌泰山自任公姓振振世祿罔替則嶽
靈之篤於孔氏者其有窮乎

勝覽曰嘗臘月衝雪登嶽至御帳雲烟模糊至十八
盤天宇開霽俯矚山腰猶有雲靄及下山大雪如

故 冬春之交諸崖谷出烟霧寒甚初尚可指數
頃則變黓蒙覆盡失山形以霽溪壑林木及樓閣
簷牙疑結冰花珠聯粉綴如畫 嘗於春時晨觀
山半雲布平密絢爛一色窅然倒看天宇 四月
以後山多蒸濕不可居 五六月亦寒衣必綿卧
必炕早暮如深秋遇夏時暴雨山半風激雲湧雷
聲電光皆出其下隱約見麓地白波沆瀣如海頃
忽雲升嶽巔則上下皆雨 人飲諸崖水多瀉惟
瑤池白鶴水蕉五花玉女數泉甘美元君祠東崖

一竅泉滴如珠晝夜出一斛許其味尤佳